

# Belia digesa rebut peluang 1B1K

BERITA HARIAN (PENDIDIKAN) 10 MEI 2016 m/s 26.

**Kuantan:** UMP Advanced Education (UAE) dengan kerjasama Majlis Belia Malaysia (MBM) menawarkan program Latihan Teknikal dan Vokasional (TVET) berasaskan pembelajaran sepanjang hayat iaitu 1Belia 1Kemahiran (1B1K).

Menerusi kerjasama itu, belia yang terbatasi akan menyertai program pengajian secara eksekutif yang ditawarkan oleh Universiti Malaysia Pahang (UMP). Program itu memberi tumpuan kepada lima kluster.

Pengurus Besar (Akademik) UAE, Dr Mohd Rashid Ab Hamid, berkata program 1B1K bertujuan membantu negara menghadapi cabaran dan mengambil peluang menyediakan pendidikan TVET bagi melahirkan tenaga kerja generasi muda berkemahiran tinggi terutama bidang sains dan teknologi.

## Peluang sambung pengajian

"Kemahiran yang bakal diperoleh dapat digunakan sepenuhnya untuk pekerjaan mereka. Ia juga memberi harapan kepada belia untuk menyambung pengajian dalam bidang TVET dengan menumpu kepada satu bidang kemahiran yang khusus," ketika di sini semalam.

Mohd Rashid yang juga Pensyarah Kanan Fakulti Pengurusan Industri berkata, program itu dia-

lankan di UMP atau premis rakan kerjasama strategik UMP dan tempoh latihan berdasarkan kursus serta peringkat program yang diikuti.

## Permintaan meningkat

"Memandangkan penumpuan dan penekanan ke atas pendidikan TVET diberi perhatian serius oleh kerajaan dan permintaan industri yang meningkat, keperluan melatih tenaga mahir sedia ada perlu dilakukan secara latihan sambil kerja tanpa meninggalkan tugas hakiki masing-masing," katanya.

Mohd Rashid berkata, pengajian program 1B1K juga bagi menyokong Strategi Lautan Biru Kebangsaan (NBOS) dalam memastabatkan belia dalam bidang TVET bagi meningkatkan kemahiran mereka.

"Usaha murni ini juga mendokong konsep pendidikan fleksibel yang diketengahkan oleh Menteri Pendidikan Tinggi, Datuk Seri Idris Jusoh, dalam memberikan peluang kepada belia yang bekerja untuk menyambung pengajian ke peringkat yang lebih tinggi."


"Belia perlu mengambil peluang dan kesempatan dengan program 1B1K untuk berdepan dengan persekitaran dan pasaran global yang kompetitif," katanya.

## Info

### 5 kluster tumpuan program 1B1K

- kemahiran komuniti
- latihan praktikal jangka pendek
- pengajian berterusan program TVET
- pengalaman dan pencapaian terdahulu (PPT)
- Program Pegawai Latihan Vokasional (VTO)

[FOTO IHSAN UMP]



UAE dengan kerjasama MBM menawarkan program Latihan Teknikal dan Vokasional (TVET) berasaskan pembelajaran sepanjang hayat, iaitu program 1Belia 1Kemahiran.